



Շինարարական մրցույթների ուսումնասիրություն

Համաձայն գնումների հաշվետվողականության ARMEPS կայքում ներկայացված տվյալների՝ 2021 թ. ընթացքում կայացել է շինարարական (այդ թվում վերանորոգման, բարեկարգման, քանդման, մոնտաժման և ապամոնտաժման) աշխատանքների ձեռքբերման 1313 ընթացակարգ՝ շուրջ 116,5 մլրդ դրամ պայմանագրային արժեքով, իսկ 2022թ. օգոստոսի 11-ի դրությամբ՝ 686 ընթացակարգ՝ շուրջ 102,3 մլրդ դրամ պայմանագրային արժեքով:

2021թ. վերոնշյալ ընթացակարգերին մասնակցել է շուրջ 750 ընկերություն, որից որպես հաղթող ընտրվել է 433-ը (կամ մասնակիցների 58%), իսկ 2022թ.-ի հունվարի 1-ից օգոստոսի 11-ը ընկած ժամանակահատվածում՝ 561 մասնակից ընկերություններից հաղթող է ճանաչվել 317-ը (կամ մասնակիցների 57%):

Այսպիսով, բերված տվյալների հիման վրա կարելի է եզրակացնել, որ դիտարկվող երկու ժամանակահատվածում էլ կայացած ընթացակարգերին հայտ ներկայացրած ընկերությունների կեսից ավելին հաջողվել է ներգրավվել պետական պատվերների գործընթացում:

Հարկ է նշել, որ 2021թ.-ի համեմատ 2022թ. դիտարկվող ժամանակահատվածում որոշակի բարելավում է նկատվել կայացած ընթացակարգերում միջին մասնակցության ցուցանիշի առումով, որը կազմել է 3,7՝ 2021թ.-ի 3 ցուցանիշի փոխարեն:

Աղյուսակներ 1-ում և 2-ում ներկայացված է դիտարկվող ժամանակահատվածներում կայացած շինարարական աշխատանքների ձեռքբերման ընթացակարգերում որպես ընտրված մասնակից ճանաչված խոշորագույն 20 ընկերությունների նկարագիրը:

Աղյուսակ 1. Շինարարական աշխատանքների գնումների խոշորագույն 20 հաղթողները, 2021թ.

	Հաղթող մասնակիցը	Պայմանագրային արժեքը, մլրդ դրամ	Մասնաբաժինը, %	Հաղթած ընթացակարգերի քանակը	Մասնաբաժինը, %
1	ԱԱԲ Պրոեկտ ՍՊԸ	16,1	14	14	1
2	Վայքի ՃՇՇ ՓԲԸ	7,9	7	6	0,5
3	Ոսմար ՍՊԸ	7,5	6	6	0,5
4	Լեռպոլո և ընկերներ ՍՊԸ	7	6	8	1
5	Մ-Գրուպ ՍՊԸ	4,1	4	1	0,1
6	Մերձմոսկովյան ԲԲԸ	3,8	3	8	1
7	Մեդրու ՃՇՇՁ ՍՊԸ	3,5	3	12	1
8	Զարավան ՍՊԸ	3,5	3	4	0,3



Հանրային քաղաքականության հետազոտությունների ազգային կենտրոն ՀԿ

9	Բիլդեր Զոնսթրաքշն ՍՊԸ	3,4	3	8	1
10	Շինայլու ՍՊԸ	2,9	2	7	1
11	Կապանի Նորոզչին ՍՊԸ	2,8	2	25	2
12	Ապառաժ ՍՊԸ	2,2	2	9	1
13	Գրիգորյան Շին ՍՊԸ	2,2	2	9	1
14	Էն Շին ՍՊԸ	2	2	11	1
15	ՎՄԿ Բամփնի ՍՊԸ	1,9	2	5	0,4
16	Ճանապարհ ՍՊԸ	1,7	1	12	1
17	Բաղրամյանշին ԲԲԸ	1,6	1	10	1
18	Գրիգոր Հարությունյան ՍՊԸ	1,5	1	2	0,2
19	ՎԱՆԻ ՍՊԸ	1,5	1	10	1
20	Սիսիանի ԲՈՒԿՏ ՍՊԸ	1,4	1	6	0,5
	Ընդամենը 20 խոշոր հաղթողները	78,5	67	173	13
	Ընդհանուր շինարարական աշխատանքների կայացած ընթացակարգերը	116,5	100	1313	100

Աղյուսակ 2. Շինարարական աշխատանքների գնումների խոշորագույն 20 հաղթողները, 2022թ. հունվարի 1-ից օգոստոսի 11-ը ընկած ժամանակահատված

	Հաղթող մասնակիցը	Պայմանագրային արժեքը, մլրդ դրամ	Մասնաբաժինը, %	Հաղթած ընթացակարգերի քանակը	Մասնաբաժինը, %
1	Բարվան ՍՊԸ	10,2	10	4	1
2	ԱԱԲ Պրոեկտ ՍՊԸ	7,4	7	4	1
3	Գրիգորյան Շին ՍՊԸ	5,7	6	7	1
4	Լեոպոլդ և ընկերներ ՍՊԸ	5,3	5	5	1
5	Ճանապարհ ՍՊԸ	3,9	4	8	1,2



Հանրային քաղաքականության հետազոտությունների ազգային կենտրոն ՀԿ

6	Խաչիար ՍՊԸ	3,7	4	2	0,3
7	Արփա-Սևան ԲԲԸ	3	3	2	0,3
8	Տ-Քնսթրաքշն ՓԲԸ	3	3	13	2
9	Եվրոասֆալտ ՓԲԸ	2,9	3	3	0,4
10	ՎՄՎ Զամփնի ՍՊԸ	2,5	2	2	0,3
11	Արհովչին ՍՊԸ	2,2	2	8	1
12	ՎԱՆԻ ՍՊԸ	2,2	2	5	1
13	Կապանի ՃՇՇ ՍՊԸ	2,1	2	9	1
14	Կապավոր ՍՊԸ	1,7	2	6	1
15	Հայաստանի սպառողական կոոպ. միության Ախուրյանի Կոոպչին ՍՊԸ	1,6	2	2	0,3
1	Արարատ-Ճանշին ՍՊԸ	1,5	1	2	0,3
17	Գրիգոր Հարությունյան ՍՊԸ	1,5	1	2	0,3
18	Բիդեք ՍՊԸ	1,3	1	1	0,1
19	Արարատչին ՍՊԸ	1,3	1	2	0,3
20	Արտ Պլաս ՍՊԸ	1,3	1	6	1
	Ընդամենը 20 խոշոր հաղթողները	64,3	63	93	14
	Ընդհանուր շինարարական աշխատանքների կայացած ընթացակարգերը	102,3	100	686	100

Ինչպես երևում է վերոնշյալ աղյուսակների տվյալներից, 2021թ. համեմատ 2022թ. դիտարկվող ժամանակահատվածում արժեքային առումով 20 խոշորագույն մատակարարների կենտրոնացվածության ցուցանիշը մի փոքր նվազել է՝ 67-ից դառնալով 63%, իսկ քանակային առումով՝ ավելացել է՝ 13-ից 14%: 2021թ. ցանկում ընդգրկված ընկերություններից 8-ը հայտնվել է նաև 2022թ. դիտարկվող ժամանակահատվածի 20-յակում (Աղյուսակ 1 և 2):



Հանրային քաղաքականության հետազոտությունների ազգային կենտրոն ՀԿ

Ընդհանուր առմամբ, ամբողջ աշխարհում շինարարական աշխատանքների ձեռքբերման գնումները համարվում են ամենաշատ կոռուպցիոն ռիսկեր պարունակող ուղղություններից մեկը, քանի որ այս ոլորտի պայմանագրերի կառավարման գործընթացը բավական բարդ է և երբեմն դժվար վերահսկելի:

Հարկ է նշել, որ վերջին ժամանակաշրջանում այս առումով կատարվել են մի շարք օրենսդրական փոփոխություններ: Մասնավորապես, 2021թ. հուլիսի 1-ին ընդունված և 2022թ. հունվարի 1-ից ուժի մեջ մտած «Քաղաքաշինության մասին» օրենքում փոփոխությունը միտված էր շինարարական ստանդարտների ու դրանց նկատմամբ հսկողության գործիքակազմի բարձրացմանը: Համաձայն այս փոփոխության՝ «Գնումների մասին» օրենքով նախատեսված՝ պատվիրատուների կողմից ձեռք բերվող շինարարական աշխատանքների կատարման ամբողջ ընթացքում կապալառու կազմակերպությունը շինարարական օբյեկտի տարածքը պետք է համալրի տեսախցիկներով, որոնք պետք է շուրջօրյա տեսանկարահանեն ամբողջ շինարարական հրապարակը՝ ընդգրկելով կառուցվող բոլոր տեսակի շինությունները, և այդ տեսախցիկներին հասանելիություն պետք է ապահովվի ինչպես պատվիրատուի, այնպես էլ պատվիրատուի նշած օգտատերերի համար: Սույն պահանջը տարածվում է 70 մլն դրամից բարձր արժեք ունեցող, գաղտնիություն կամ հատուկ ռեժիմ չպարունակող բնակելի, հասարակական, արտադրական, էներգետիկ, տրանսպորտային և հիդրոտեխնիկական նշանակության շինարարական օբյեկտների վրա, բացառությամբ գծային ենթակառուցվածքների:

Մեկ այլ կարևոր օրենսդրական փոփոխություն ընդունվեց 2022թ. մարտի 4-ին «Գնումների մասին» օրենքում, որը միտված էր արտակարգ իրավիճակների հետևանքով առաջացած և հրատապ համարվող խնդիրներին հնարավորինս օպերատիվ արձագանքման հնարավորություն ստեղծելուն: Նաև որոշակիորեն ամրագրվեցին գնումների համակարգում ընկերությունների վարկանիշավորման սկզբունքները, ինչը առաջարկվել էր նաև ՀԶՀԱԿ ՀԿ-ի կողմից:

Մասնավորապես, այս փոփոխությամբ սահմանվեց, որ մարդկային զոհերի, մարդու առողջությանն ու շրջակա միջավայրին զգալի վնասի, խոշոր նյութական կորուստների և մարդու կենսագործունեության բնականոն պայմանների խախտման հանգեցնող կամ նման իրավիճակներ առաջանալու վտանգի դեպքում հրատապ համարվող կարիքների բավարարման շրջանակում շինարարական աշխատանքների գնման գործընթացը ՀՀ կառավարության որոշմամբ կարող է իրականացվել առանց սահմանված կարգով հաստատված և փորձաքննություն անցած նախագծային փաստաթղթերի՝

1) գնման առարկայի բնութագրերը սահմանելով որպես գործառույթային (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

2) պայմանով, որ շինարարական աշխատանքները կմեկնարկեն ըստ փուլերի՝ փորձաքննություն անցած նախագծային փաստաթղթերի հիման վրա:

Կառավարության որոշմամբ պետք է հիմնավորվի որոշման ընդունումը պայմանավորող հանգամանքների առկայությունը:

Հարկ է նշել, որ այս կարգավորումներով փորձ է կատարվում որոշակիորեն նվազեցնել արտակարգ իրավիճակներում մեկ անձից գնման ընթացակարգի կիրառման պրակտիկան: